



www.BibleForChildren.org


Mateo 26



Ka li kpelim
daba ayuobu ka
kum malek gaadug
dabisir la paae, ka
Yesu kenj Betani, tenj
kan ka Lazarus on ka o
daa vu'ug kumin la be.
Ka Meeri zanj tudaare
kpaam line ka ba buon naad la,
ka na pe'el kolibir, ka li ligidi zu'e
bedego la, n kpa'e siin'e Yesu noba
la ka nok o zuobid n duus li, ka yir
la wusa taae ne tudaare kpaam la nyuug.




Ka Judas Iskariot, one a Yesu nya'andolib piinayi la nid
yinni, kenj Wina'am maalmaan kpeenmnam sa'an ye o
zam Yesu. Ban daa wum on yel
si'ela ka ba sunf ma'ae.
Ka ba siak ye ba na tis o
ligidi. Ka Judas yu'un ied
suekan ka o na zam o.



Ka o nya'andolib la nin wenne
Yesu n yeli ba la, n maal malun
tienr la diib. Ka ban daa dit la,
Yesu zan bodobodo n pu'us Wina'am
bareka ka gben'es n tis o nya'andolib
la, ka yeli ba ye, "Di'em nwa n di. Lina
a m men ningbin." Ka o zan nwam n
pu'us Wina'am bareka ka tisi ba ye,
"Ya wusa di'em nu.

Bozugo nwa ane
man ziim line
ane nonaar yela.
Ziim line yi ye
nidib bedego
nye suguru."



Ka Yesu yel ye, “Simon, Simon, gu'usim ka Sutaana sosid suer ye o dami ya gaans wuu ki ne, amaa m sos Wina'am tisid uf ye fu yadda ninjir da gu'unje. Ka fu ya'a ti tiake lem doli m ya'ase, fun on kpe'eni fu ba'abiis la.”

Ka Piita lebis yel o ye, “Zugsoba, mam ti'ebne ye m dol uf, hale baa ba ya'a kpen'esidi uf sarega bee kuub zin'igin gba.”


Ka o yel ye, “Piita, m yet uf ne ye, yu'unja nwa noraug ku kaase ka fu na ki'is noora atan' ye fu zi'i ma.”



Ka ban ne Yesu yi ken zin'ikan buon Gesemane la, ka o yel o nya'andolib la ye, “Kpelimi kpela, ka man kenj tuon n sos Wina'am.” Ka yel ye, “M Ba' si'el wusa ane na'ana ne fun. Yiisim namisug kaɗa n bas ka kee man. Amaa li ka'a ne man boodim, dinzug kel ka fun boodim gullim niɗ.”




Ka maalmaan kpeenmnam ne Farisee dim tis Judas ba tumtum nib ka sos Room dim sogianam n pa'as o zug, ka ba kenj anina ne fitlanam ne mood bugum ne zaba la'ad. Ka yinni kia maalmaan kpeenm yamug datiunj tobiri fi'ig. Ka Yesu yel ye, "Ayei, da lem niŋ ne' ya'ase." Ka si'is dau la tobir ka li lebi tug.




Ka ba gban'e Yesu n mor o kenj maalmaan kpeenm yin,
ka Piita be nya'ani labisidi dol bi'el bi'el lale sa. Ka ba
nyu'e bugum zak la tensuk ka la'ase zin'i ka
Piita me zin'i ne ba.




Ka maalmaan tumtum
yinni one a du'ad ne
one ka Piita pa'a fi'igi o
tobir la bu'os Piita ya'as
ye, “Li ka'ane fun ka m nye
uf ne o lombon'ogin laa?”
Ka Piita lem ki'is ya'as.
Ka noraug kpelim kaas.
Ka o yi yiinge n kaas hale.




Ka nidib la wusa mor o kenn Pilate
tuon naKa Pilate bu'os o ye, “Fune a
Jew dim na'ab laa?” Ka o lebis ye,
“Fune yeli ala.” Ka Pilate lem pian'a
ba ya'as ka mor poten'er
ye o bas Yesu. Ka ba
kpelim zan'as ka tansid
buŋ buŋ ye, “Kpa'am o
dapuudir zug n ku,
kpa'am o.”



Ka o yu'un kees o tisi ba ye ba kpa' o
dapuudir zug n ku. Ka ba mor Yesu yi
tenjin la ka ke ka o zeedi o meŋ
dapuudir n keŋ zin'ikan ka Jew dim
buon ye Golgota la, ka li gbin a ye
zunwana zin'ig.





Ka ba kpa' o n tabil dapuudir zug.
Ka me kpa' nidib ayi n tabil
dapuuda zug, ka yinni
be o dagobug ka
yinni be o datiun.
Ka Yesu bee
ba soogin.



Li da ane wuu nintan soog ka ten la wusa lieb lik biridi n ti paae zaamnoor karefa atan', hale ka nintan nam pu nie. Ka fugobug line ben gon Wina'am pu'usum doog la aaenn buak zin'isa ayi.

Ka Yesu tansi agola gola n yet ye, "M Ba'a, fu nu'usin ka m niŋi m siig." Ka on yel ne'ena naae la ka kpelim bas o men.






Ka Josef one yi Arimatea tenjin ka a
tenj la tuongatib la nid yinni, ka mor
yu'usunj ka me daa gur
Wina'am na'am ken na la,
kpe'enj o suunr, ka kenj
Pilate sa'an n sos
Yesu ningbinj la. Ka
o da' fupielig, ka
sigis ningbinj la
dapuudir

zug, ka nok fuug vil o, ka
mor o kenj n mum yang
kane ka ba daa pun tu
tampiing sakpidir zug la.
Ka bilig kugtita'ar ligil
yang la noor.



Ka vu'usum daar kane pin'in daar
kan zaam la, ka maalmaan
kpeenmnam ne Farisee
dim la'as Pilate sa'an nan
yel o ye, "Zugsoba, ti
tenr ye dama'a la da
nan voe la, o da yel
ye, 'M na vu'ug
kumin daba atan'
daar.'" Ka ba kenj ninj
ala, n zanbil kugir
I a ka ke ka 
sogianam guri li. >



Ka Jew dim vu'usum daar n gaad la,
Alasidaar bekeeung, ka Meeri one
yi Magdala ne Meeri so' isig
kenj ye ba kaae yaug la. Ka
tengbaunj dam hale,
bozugo Zugsob malek
yi arazana sig na n
bilig kugir la, ka ke
yaug la noor, ka
zin'i


kugir la zug.
Ka dabiem kpen'
bane gur yaug la.
Ka ba kirid wenne
ku'um la.




Ka malek yel po'ab la ye, “Da zoti dabiem, bozugo m mi' ye ya boodne Yesu, on ka ba daa ku la. O ka' kpelaa. O vu'ugne wenne on daa yel si'em la. Kemi na gos ban daa digil o zi'ig si'a la.”



Ka po'ab la bas yang la ne dabiem amaa
ba daa mor sumalisim bedego ka kenj
to'oto ye ba yel o nya'andolib la.
To'oto yim ka Yesu tu'osi ba n
pu'usi ba. Ka ba kena igin
o tuon n pu'us o.





Lin nya'an, ka o nya'andolib piinayinni la daa dit, ka o
nie o men pa'ali ba. Ka zab ne ba, ban daa pu niŋ
yadda, ka maal zukpi'eunji pu siak bane daa nye o ka o
voe la pian'ad la. Ka Zugsob Yesu daa tu'asi ba naae
la, ka Wina'am zank o ken arazana ni.
Ka o zin'in o datiun.



Wina'am nonj dunia hale ka o tum o
biyimir la n tis na. Ka one niñ o yadda
la, ku bodige, amaa o na nye nyovur
dine ka' naare.



Room Dim 3:23

Ninsaalib wusa tum tuumbe'ed ka ko'onj Wina'am yelsum.

Room Dim 6:23

Tuumbe'ed yood ane ku'um. Ka Wina'am piini ane
nyovur dine ka' naare. Ka ti di'e li tinam a yinni
ne ti Zugsob Kiristo Yesu la.

Hibiru Dim 9:27

Ka wen wuu lin zi'el ye saalib kpi vuguri ka
lin nya'anj ka saria kadib be,



Efesus Dim 2:8,9

Ka o popielim zug ka o tisi ya faangir ka li yine ya yadda ninjir Kiristo ni na, ka li ka'ane ya menj tuuma zugo. Li wusa ane Wina'am piini ninjir, ka ka'ane ninsaal tuuma yela, ka ya nwe'edi nyo'ogo.

Room Dim 10:9,10

Fu ya'a yel ne fu noor paalo ni ye Yesu ane Zugsob la, ka siaki fu sunfin ye Wina'am da vu'ug o kumin, fu na nye faangir. Ti siaki ti sunfin ye Yesu ane Zugsob la, linzug ka ti lieb popielim dim Wina'am tuon, ka yeli li ne ti noor, ka linzug ka ti nye faangir.



Joon 3:16,17

Wina'am nonj dunia hale ka o tum o biyimir la n tis na. Ka one ninj o yadda la, ku bodige, amaa o na nye nyovur dine ka' naare. Ala zug Wina'am pu tum o Biig dunia ni na ye o koos dunia dim be'ede, amaa ye dunia nye faangir o ma'asim zug.

1 Joon 5:11-13

Ne'eja nwa ka Wina'am yeli ti. Li ane ye o tisi ti nyovur kane ka' naare, ka nyovur kaɗa aa ti bun n a yinni ne o Biig la. On mekama di'e o Biig la mor nyovur kaɗa. Ka on wusa pu di'e o Biig la, o ka' nyovure. M sobid ne'eja tisidi yanam bane ninj Wina'am Biig la yadda la ye, ya baɗ ye ya mor nyovur kane ka' naare.



Mateo 26-28; Luuk 22-24; Joon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Kusaal NT (kus) © 1996, Wycliffe Bible Translators, Inc.
All rights reserved.

<https://live.bible.is/bible/KUSTBL/MAT/1>

©2026 Bible for Children, Inc.

www.M1914.org

www.bibleforchildren.org

